

PRACTICUM III-AREN INGURUKO ZENBAIT ARGIBIDE

1. Ikastetxean burutu beharreko egonaldia

2017ko azaroaren 20tik 2018ko otsailaren 23ra (biak barne).

2. Ikasle esleipena

Ikasleek beraiek aukeratu dute eta adostu dute zuzenean ikastetxearekin practicum IIIko egonaldia egiteko lekua. Beraz, komeni da badaezpada beren titulazio eta minorrari dagozkion profilak betetzen dituztela bermatzea. Bestalde, tutore esleipena egitean, ahalegindu gara practicum IIIko tutore denari bere GRALeko ikasleak esleitzen eta, bestetik, gainontzeko kasuetan, praktiketako tutore berari ematea GRALeko tutore beraren ikasle guztiak (ez da beti posible izan). Honetarako, sail afinitatea izan da irizpide nagusia, elkarren arteko lana eta koordinazioa errazteko.

3. Tutorearen zenbait zeregin

- Bilerak antolatzea: hasi baino lehen, tartekoa(k), eta ondoren.
 - Irakasle guztioi gogoratzen zaizue *ezin ditugula bilerak klase orduetan jarri* eta bilera deitu baino lehen, ikasleen ordutegiak begiratzea komenigarria dela, beraien egoerara ahalik eta hobekien moldatzeko. Dena den, 4. mailako antolaketa dela eta, praktiketara joan aurreko astean ez dute klaserik eta, beraz, hor egin daitezke bilera(k).
 - Bilera deiak emailez, egelaren bidez edo norberaren bulegoko atean jarriz egin.
 - Ikasleen emailak GAURetik lor ditzakezue.
- Ikastetxeko tutorearekin eskutitz bidez, emailez, telefonoz edo aurrez aurre harremanetan jartzeko ikastetxeetara bisita egitea ikaslaeren jarraipena egiteko, balorazio errealago bat lortzeko... Ikasle bakoitzaren ikastetxeko tutorea nor den jakiteko biderik onena ikaslea bera da. Praktikaldiaren lehen astean bidal diezazutela egokitu zaion tutorearen telefonoa eta emaila (askotan egun horretara arte ikastetxeek ez dute zehazten tutorea).
- Bere ikasleekin sor daitezkeen arazoei konponbidea ematea.
- Egoera berezian dauden ikasleen mugak argi izan eta jarraipena egin:
 - Eskuera berezirik egin ez duen ikasle orok praktikaldia inolako mugarik eta baldintzarik gabe bete behar du, ikastetxeko ordutegi osoa betez eta, hala behar

izanez gero, bestelako ordu batzuk ere osatuz: bilerak, tutoretzak... (kontuan izan, asteko 30 ordu onartzen zaizkiola ikasleari; gelan beteko dituenak baino gehiago).

- Exentzioa duenak bileretara etorri behar du eta bidalitako lan ezberdinak ere entregatu behar ditu.
- Bere egoeragatik eta epeengatik practicuma luzatzen zaion ikasleak, bidalitako lanak entregatzeko epeetara egokitu ezingo balu, practicumeko azken nota ekaineko deialdian jarriko zaio.

4. Practicumaren kalifikazioa

- Ikastetxeek betetako *ebaluazio orriak*, askotan, praktiketako bulegoan jasotzen ditugu, baina jaso bezain laster zuei bidaliko zaizkizue. Beraz, ikastetxeko nota jasotzeaz eta gordetzeaz tutorea bera arduratuko da.
- Ikastetxeek betetakoari, tutoreak *bere ebaluazioa* gehituko dio eta, batz bestekoa kalkulatu ondoren, *emaitza* azken kalifikazioaren zutabearen jarriko du. Komeni da, ikastetxeko eta norberaren kalifikazioak argitaratzea ikasleak informazio hori izan dezan.
- Praktiketako notak *GAUR programan* akten atalean ere sartu behar dira; beraz, beste irakasgaiekin egiten den moduan, erreklamazio epearekin (5 egun) argitaratuko dira. Epea amaitu ondoren, espedientera pasa eta *idazkaritzan sinatuko* dira.
- Notak argitaratzeko data:
 - Ohiko deialdia: kalifikazioak GAUREn *argitaratu* behar dira. Horretarako epea 2. deialdiko (*maiatzeko*) *azterketei dagokiena* izango da. Azkeneko akta, kalifikazio zerrendarekin batera argitaratzea gomendatzen zaizue, ikasleek praktikaldian eta memorian lortutako notaren berri izan dezaten. Gero, era berean, bi notak eta batz-bestekoa 1.03 bulegora ekarri edo bidali emailez gure datu basean izateko.
 - Ezohiko deialdia: kalifikazioak GAUREn *argitaratu* behar dira dagokion epeetan.

6. Oharrak

- Practicumeko gida guztiak [web orrian](#) dituzue. Hemen azaltzen dira irakasle tutorearen zeregin akademikoak.
- Ikasleen datuak GAUREko nahitaezko praktikak atalean lor ditzakezue
- Ikastetxeen helbideak eta telefonoak lortzeko, berriz, jo gure web orriko [ikastetxeen zerrendara](#). Emailak nahi izanez gero, eskatu Begoña Urbietari, 1.03 bulegoan.